

#### 4. Kuphindza

##### (i) Imvumelwano

Imvumelwano yindlela lenye yekusebentisa kuphindza enkondlweni. Kepha kuyo akuphindwa lonkhe ligama kodvwa kuphindvwa takhi letitsite teligama emigceni lelandzelanako. Imvumelwano ingaba sekucaleni, emkhatsini noma ekugcineni kwemigca, lokusho kutsi imvumelwano yehlukahlukene, kune: imvumelwanosicalo, imvumelwanokhatsi nemvumelwano sigcino.

##### • Imvumelwanosicalo

Lapha kuphindvwa sakhi lesifananako ekucaleni lwemigca lelandzelanako. Sibonelo siphuma enkondlweni letsi, **Kuyangilandzela** – indzima 1.

Ngashaya ngagadla ngaphumelela,  
Ngaphumelela ebumini ngisitwa ngulomubi.  
Kumnyama kuhlwile, kwenile kwesabeka,  
Kubindzile kulukhuni kungenamasito,  
Nembeza abalisa ngimgwema,  
Inhlitiyo ivutsa igaya tiboti.

Lolokubhalwe ngalokugcamile kulenzima lengenhla yimvumelwano sicalo. Emigceni lemibili yekucala kuphindvwe 'nga' kantsi kuleleminyemibili lelandzelako kuphindvwe 'ku'.

##### • Imvumelwanokhatsi

Imvumelwanokhatsi ibonakala ngekufanana kwemisindvo emagameni lasekhatsi kwemigca lelandzelanako.

Sibonelo siphuma endzimeni lengenhla, imigca 3 kuya ku 4.

Kumnyama kuhlwile, kwenile kwesabeka,  
Kubindzile kulukhuni kungenamasito,

Sibonelo lesingenhla sisivetela tinhlobo letimbili temvumelwanokhatsi. Yekucala kuphindvwa kwelilunga lekucala emagameni esibili emigca yomibili

'kuhlwile'  
'kulukhuni'

Yesibili kuphindvwa kwemsindvo 'k' emagameni esitsatfu emigceni yomibili  
'kwenile'  
'kungenamasito'

- **Imvumelwano sigcino**

Takhi letivumelanako tisekugcineni kwemigca lelandzelanako.  
Sibonelo siphuma enkondlweni letsi, **Kuyangilandzela** – indzima 2.

Wakhala phansi kubuhlungu longenacala  
Wakhala wayobayoba,  
Abukene nemehl'abovu akananhlitiyo uyatfunukala.  
Yageleta ngentsamo ingati ngiyibukile,  
Ngatatatela njengelichegu liganiwe.  
Impela imali yimphandze yesono.

Kuphindzeka kwemisindvo lefananako ekugcineni kwemigca  
lelandzelanako ngenhla kusivetela imvumelwano sigcino.

- (ii) **Imphindzamsindvo**

Imphindza ngulobunye buciko lobusetjentiswa nguSonkondlo kuletsa  
bungoma enkondlweni. Nalapha Sonkondlo uphindzaphindza imisindvo  
letsite, umehluko emkhatsini wayo nemvumelwano kutsi imisindvo  
lephindvwako iba semgцени munye, kantsi kumvumelwano iba semigceni  
leyehlukene futsi iphindze ilandzelane. Imphindzamsindvo yehlukene  
kanyentana, kune; mphindzankhamisa, mphindzangwaca, mphindzalunga  
nemphindzamcondvo. Tonkhe tibonelo temphindzamsindvo titawuphuma  
enkondlweni letsi, **Kuyangilandzela**.

- **Imphindzankhamisa**

Lapha sitfolo kuphindwaphindvwa dvutane kwankhamisa lotsite emgцени  
munye.

Sibonelo – indzima 1, umugca 6.

Inhlitiyo ivutsa, igaya tiboti

emigceni yomibili

ako.

dzima 2.

ala.

ia

lo kuletsa

ba imisindvo

nsindvo

ba semigceni

ehlukene

phindzalunga

titawuphuma

tsite emgceni

Kulomugca longenhla kuphindvwa kwankhamisa 'i' kuletsa bungoma, inkondlo ivakale imnandzi kuloyihayako.

- **Imphindzangwaca**

Kuloluhlobo lolu lwemphindzamsindvo kuphindzaphindvwa ngwaca tsite emgceni munye.

Sibonelo – indzima 1, umugca 2.

**Ngaphumelela eubini ngisitwa ngulomubi**

Kulesibonelo bungoma buletfwa kuphindwaphindvwa kwangwaca 'ng-'.

- **Imphindzalunga**

Lapha bungoma buletfwa kuphindzaphindza kwelilunga tsite.

Sibonelo – indzima 1, umugca 4.

**Kubindzile kulukhuni kungenamasito.**

Emgceni longenhla kuphindvwe lilunga 'ku-' kuletsa bungoma enkondlweni.

**(iii) Imphindzamcondvo**

Lapha Sonkondlo usuke agcizelela umcondvo lotsite ngekusebentisa emagama lehlukene.

Sibonelo – indzima 1, umugca 3.

**Kumnyama, kuhlwile, kwenile, kwesabeka.**

Emagama lasetjentiswe emgceni longenhla agcizelela ubi lobutsite.

## **5.1 Luchumano**

Kuchumana yindlela lesetjentiswa nguSonkondlo ekuhlanganiseni nekuchumaniseni imigca lemibili noma lengetulu. Loku ukwenta ngekusebentisa emagama lafananako. Kuyenteka kutsi afane ncamashi noma akhelwe esicwini sinye. Luchumano lusita kugcizelela umcondvo lotsite Sonkondlo lafuna kuwendlulisa kulofundza inkondlo. Ngetulu kwaloko luyayinandzisa lubuye luyihlobise inkondlo. Luchumano-ke

Iwehlukahlukene kuya ngekutsi emagama lafananako akuphi kulemigca lelandzelanako. Buka nati tibonelo teluchumano letilandzelako:

- **Luchumanosicalo**

Lapha Sonkondlo uphindza emagama lafananako noma lakhelwe esicwini sinye ekucaleni kwemigca lelandzelanako.

Sibonelo siphuma enkondlweni letsi, **Vuka Mfati**, lebhalwe ngu Sisana R. Dlamini – Indzima 1.

**Vuka** mfati kusile,  
↓  
**Vuka** usebente ishayile,  
↓  
**Vuka** lokubaselele,  
↓  
**Tivukele** wena utilungiselele.

Kulenzima lengenhla kuphindwaphindvwe ligama 'vuka' ekucaleni kwemigca lemitsatfu. Umugca wekugcina ucala ngeligama lelitsi 'tivukele' lelinemsuka munye nalawa langenhla kwalo. Lendlela lekusetjentiswe ngayo lamagama ekucaleni kwalemigca igcizelela umcondvo wekuvuka kuphindze uhlobise, unandzise lenkondlo.

- **Luchumanokhatsi**

Kuloluhlobo lweluchumano Sonkondlo ufananisa emagama emkhatsini wemigca lelandzelanako.

Sibonelo – **Vuka Mfati** – indzima 9, umugca 3 kuya ku 5.

Ticholo **atibuyise** tihlutfu,  
↓  
Liduku **libuyise** emacansi,  
↓  
Bufati **bubuyise** budvodza,

Endzimeni lengenhla kugcizelelwa umcondvo wekubuyisa emigceni lemitsatfu lelandzelanako.

- **Luchumanosigcino**

Lapha emagama lafananako aba sekugcineni kwemigca lelandzelanako.

Sibonelo – **Vuka Mfati** – indzima 6, umugca 1 kuya ku 2.

Sebakhala ngetimvu **ebaleni**,



Bangati tabogogo tatiba **sebaleni**,

Umcondvo wekuba 'sebaleni' ugcizelwe ngekuphindza emagama lafananako sekugcineni kwalemigca lengenhla.

- **Luchumanotjekile/luchumanomasoli**

Emagama lafananako kululuhlobo aphindzeka etindzaweni letehlukene, linye liba sekugcineni kwemugca wekucala, bese kutsi leli lelifanana nalo libe sekucaleni kwemugca lolandzelako.

Sibonelo – **Vuka Mfati** – indzima 6, umugca 4 kuya ku 5.

Bakhohlwe live **lelitfutfukako**,




**Litfutfuke** ngakubo kuphela.

Kulemigca lengenhla emagama lafananako aphindzeke etindzaweni letehlukene, kulongetulu lisekugcineni kantsi kulongephansi lisekucaleni. Kuyenteka futsi kuluchumanotjekile, ukhandze kutsi linye ligama libe sekucaleni emgcani wekucala bese kutsi lelichumana nalo libe sekugcineni emgcani lolandzelako.

Sibonelo saluluhlobo sitsetfwe enkondlweni letsi, **Ingungu**, lebhalwe ngu Sengcabaphi Dlamini, indzima 5

**Balingise** nawe utikhwankhwase ngalokusengungwini.



Tindlela tabo tekudla **titekulingiswa**.

- **Luchumanololwecako**

Kululuhlobo lweluchumano emagama lafanako akabi semigcani lelandzelanako kepha kuba nemugca lote leligama emkhatsini walemigca lemibili. Sibonelo siphume enkondlweni letsi, **Ngibatsandze Bonkhe**, lebhalwe nguSakhile Mavuso, indzima 3, umugca 5:

Ngibatsandze **bonkhe**,

Ngababeka luphawu lwami.


Ngibabophe ngelibhande, bababona **bonkhe**,  
Ngabanciphisa kutebasheshe babonakale  
Ngibatsandze **bonkhe**,

Kulesibonelo lesingenhla ligama 'bonkhe' livela emigceni lengalandzelani leyehlukaniswe yimigca lete leligama.

- **Luchumanosiphambano**

Lapha Sonkondlo usebentisa emagama lafananako akhe siphambano tsite. Buka nasi sibonelo:

Lala sihlobo sami kulelibandzako **uwedvwa**.  
Uwedvwa kanjalo usihlanganise **nalasebalala**.



Kulesibonelo lesingenhla siyabona kutsi ligama lelisekucaleni emgceni losekucaleni, lifana neligama lelisekugcineni emgceni wesibili, kantsi futsi kuyo lemigca, ligama lelisekugcineni emgceni wekucala kucalwa ngalo emgceni wesibili.

## 6.2 Sakhiwo Sangekhatsi Senkondlo (Lulwimi Lwenkondlo)

Kukhetfwa kwemagama lasetjentiswa enkondlweni kumcoka kakhulu ngoba ngiko lokusakhela sakhiwo sangekhatsi. Sakhiwo sangekhatsi sigcile ekusetjentisweni kwelulwimi lolunotsile naloluhehako. Sonkondlo ukhombisa bugabazi bakhe ngekusebentisa tinongo tenkhulumo. Esakhiweni sangekhatsi Sonkondlo uyafanisa, ahaye, acatsanise abuye ehlukanise. Emagama lasetjentiswa enkondlweni kufanele akhe sitfombe saloko lafuna kukusho, kute intfo siyibone, siyinambitse, siyive, siyiphatse noma siyihogele. Loku sikubita ngekutsi titfombemcondvo. Letitfombemcondvo tentela kudvonsa umcondvo lokhashane ube sedvute, uphatseke futsi ubonakale kute umcondvo waSonkondlo uvakale. Ngekwenta njalo Sonkondlo uyakhona kusetfulela ingciki tsi yenkondlo ngalokwenetisako. Inkondlo lete tinongo igcina iyindzaba lenganambitseki. Kuze wati umsebenti waleso naleso sinongo kufanele uyifundzise inkondlo.

**(iii) Simuntfutiso/Sentamuntfu**

Kulesinongo senkhulumo intfo tsite inikwa timphawu temuntfu njengekutsi silwane noma sigodvo sinikwe timphawu temuntfu.

Sibonelo siphuma enkondlweni letsi, **Lomalungelo**, lebhalwe ngu Wandzumuti Zwane.

Kulenkondlo kukhulunywa ngamakoti longuLomalungelo kantsi loku lakhuluma ngako Sonkondlo yintfo lengaphili, uyinike tonkhe timphawu temuntfu longumakoti ekhaya.

**(iv) Silwanatiso/Sentasilwano**

Lesi sisebenta kufana nesimuntfutiso. Lapha timphawu tesilwane tiniketwa umuntfu noma intfo lengaphili. Esikhatsini lesinyenti lesinongo sisetjentiswa kukhomba emandla noma kunyanyekiswa kwaleyontfo lokukhulunywa ngayo.

Sibonelo siphuma enkondlweni letsi, **Tibongo Temnumzane** lebhalwe ngu Sisana R. Dlamini – indzima 5, umugca 1.

Bhubezi lelibhodla kuvakale,

Kutsetsa kwendvodza kufananiswe nekubhodla kwelibhubezi lokukhomba kutsi inemandla lesabekako uma itsetsa.

**(v) Sihabiso**

Lapha Sonkondlo usebentisa emagama lakhomba kwenta intfo ngalokwecile.

Sibonelo siphuma kulenkondlo letsi, **Lidvume Lendlula**, lebhalwe ngu Maswati Dlodlu – indzima 13, umugca 1.

**(viii) Sihloniphiso**

Lesinongo kuba ngemagama lakhomba kuhlonipha intfo tsite ngoba ligama leletayelekile lesabeka noma lihhedleta etindlebeni talolalele, njengekutsi nje uma babe ligama lakhe kunguMbuzi, bomakoti lapha ekhaya abalibiti ligama lelitsi 'imbuti' ngekuhlonipha babe. Bangasebentisa ligama lekuhloniphisa imbuti 'inkhuleko'.

Sibonelo siphuma enkondlweni letsi, **Eculweni Lami** lebhalwe ngu Ryan Tsela – indzima 8, umugca 3.

**Ningibeke** ngekuthula **endlini** yami yekuphumula.

Kulomugca longenhla Sonkondlo utsi akangcwatjwe ethuneni ngekuthula. Sonkondlo usebentise ligama 'Ningibeke' esikhundleni sekungcwatjwa ngoba kungcwaba kusento lesinganambitseki. Ubuye wasebentisa ligama 'endlini' esikhundleni seligama ethuneni. Lithuna yintfo leyesabekako.

**(ix) Sitfombemcondvo**

Lesinongo siba ngemagama lahleleke kutsi akhe sitfombe tsite engcondvweni yalowafundzako. Sonkondlo usebentisa emagama lafanele, ente kutsi intfo ibonakale, inambitseke, ivakale etindlebeni sibuye sihogele liphunga layo. Loku kwenta kutsi sibe netinhlobo letisihlanu tetitfombemcondvo. Kuna:

**(a) Lesivakalako**

Lapha Sonkondlo usebentisa emagama latawushiya umsindvo lowuvako etindlebeni usafundza.

Sibonelo siphuma enkondlweni letsi, **Kuhlwile**, lebhalwe ngu Leonard Mhlanga – indzima 4, umugca 5.

Timphisi tihhuhhula tihhuhhulile,

Emagama lasetjentiswe nguSonkondlo asivetela umsindvo wetimphisi, enta lofundzako awuve lomsindvo uncencetsa etindlebeni takhe.



**(b) Lesinambitsekako**

Sonkondlo ushiya umfundzi anambitsa ngoba emagama lawasebentisile angulavutisa ematse. Uma ubuka inkondlo **Ngiyesaba** lebhalwe ngu Wandzumuti Zwane indzima 3, umugca 1 utfola lomugca longentasi lotsi:

“Ungihehe ngeluju lwetinyosi”,

Ungakacapheli ungatibona sewuvuta ematse ngoba luju lumnandzi luvutisa ematse.

**(c) Lesihogelekako**

Lapha Sonkondlo usebentisa emagama ekuchaza liphunga lakhuluma ngalo. Lofundzako angatikhandza sekanyusa likhala kukhombisa kutsi uyaliva leliphunga lelichazwako.

Sibonelo siphuma enkondlweni letsi, **Ingungu** lebhalwe ngu Sengcabaphi Dlamini – indzima 2, umugca 2.

Loluneliphunga lelicheketa inhloko ekhatsi.

Lesibonelo sichaza indlela lokunuka ngayo leliphunga. Lendlela lelichazwe ngayo liphunga likwenta wenyuse impfumulo.

**(d) Lesitsintsekako**

Sonkondlo uchaza intfo letsite asebentisa emagama laphatselene nekutsintsa intfo ngesandla.

Sibonelo siphuma enkondlweni letsi, **Eculweni** lebhalwe ngu Thembinkosi Ryan Tsela – indzima 2, umugca 1.

**Vuma ngikuncinte gitali lwami ...**

Ligama ‘ngikuncinte’ lenta lofundzako akhanyelwe sento lesentiwako. Uyambona Sonkondlo ngemehlo engcondvo ashaya lugitali lwakhe ngebuchwephesha.

**(e) Lesibonakalako**

Lapha Sonkondlo wakha sitfombe engcondvweni udzimate ngatsi loko lakhuluma ngako uyakubona.

Sibonelo siphuma enkondlweni, **Malagwane** lebhalwe ngu Alex Lushaba – indzima 1, umugca 1.

Bugwimbegwimbe baMalagwane,

Lapha Sonkondlo wenta kwakheke sitfombe salomgwaco wakuMalagwane, awukacondzi unemajika lamanyenti.

**(x) Sifutamsindvo**

Sonkondlo angasebentisa ligama linye kuchaza umsindvo lotsite. Lapha usuke afuna kukhanye kahle indlela lomsindvo lowenteka ngayo. Emagama lasetjentiswako lapha asuselwa emsindvweni lotsite.

Sibonelo siphuma enkondlweni letsi, **Mnyamane kuMhlophekazi** lebhalwe ngu Sara Mkhonza indzima 2, umugca 2.

Utakuhlanyisa lomsindvo **webucha-cha-cha**

Umugca longenhla usivetela umsindvo lowentiwa liwashi.

**(xi) Khulumangco/Makhulumangco**

Lapha sonkondlo usuke akhuluma nemuntfu longekho noma losewafa noma intfo lengaphili kube ngatsi ubheke imphendvulo. Lesinongo kutsiwa ngukhulumangco ngoba kusuke kukhulunywa kucondziswe ngco kuloyo muntfu longekho noma losewafa.

Sibonelo siphuma enkondlweni letsi, **Nyoka** lebhalwe ngu Maswati Dlodlu indzima 8, umugca 3.

Uwekudzabuka kuphi?

Lona ngumbuto lofuna imphendvulo, kepha kute lapho utawuyitfolo khona ngoba lokubutwa kuye akusiye umuntfu.

**(xii) Sicatsaniso**

Sonkondlo usuke acatsanisa imicondvo lemibili lephikisanako. Umcondvo lophikisako ubekwa ndzawonye nalovumako kute Sonkondlo endlulise umlayeto wakhe kuloyo lofundzako.

Sibonelo siphuma enkondlweni letsi, **Lidvume Lendlula** lebhalwe ngu Maswati Dlodlu – indzima 14, umugca 2 na 3.

Longetulu wabangephansi,  
Longephansi wabangetulu.

Lesicatsaniso siyagcizelela Sonkondlo ubeke imicondvo lemibili leshayisanako, kukhombisa kutsi wonkhe umuntfu bekatimisele kulemidlalo yendzebe yemhlaba.

**(xiii) Luphawu**

Lena yindlela Sonkondlo lachaza ngayo intfo lengabonakali ngekusebentisa intfo lebonakalako. Luphawu lwesiphambano lungasho indlu yelisontfo, tenkholo noma temphilo/sibhedlela.

Sibonelo siphume enkondlweni letsi, **Nguluphi Lolubhambo**, lebhalwe ngu Wandzumuti Zwane – indzima 4.

Lona **litsambo**  
**Lematsambo** ami  
Yinyama yenyama yami  
**Lubhambo** lwami.

Kulesibonelo lamagama lacindzetelwe asho umfati. Sonkondlo usebentise wona ngoba aphatselene nalo leli leletayelekile (umfati).

**(xiv) Sokhundla**

Lapha Sonkondlo uchaza intfo lenye ngalenyehlephatselene nayo. Akayibiti leyontfo lakhuluma ngayo ngeligama layo leletayelekile, kepha usebentisa lelinyehlephatselene nayo.

Sibonelo siphuma kulenkondlo letsi, **Tibongo Temnumzane** lebhawwe nguSisana R. Dlamini indzima 3, umugca 4.

NeliBhayibheli lakubeka iNkhosi.

Lapha Sonkondlo usebentise libhayibheli esikhundleni selivi leNkhosi. LiBhayibheli limele livi leNkhosi lelitsi indvodza yinhloko yelikhaya.

### **Umoya nengcikitsi**

Umoya nengcikitsi yenkondlo kuyincenye yesakhiwo sangekhatsi senkondlo. Uma umfundzi wenkondlo akhonile kucondza kusetjentiswa kwetinongo enkondweni, kuba melula kutsi aphume nemoya kanye nengcikitsi yaleyo nkondlo.

Umoya wenkondlo ngulesimo lesivelako uma sewufundze lenkondlo weva kutsi Sonkondlo ukhuluma ngani. Kufanele imiva yakho itsintseke usayifundza inkondlo kute uphume nesimo labekuso Sonkondlo uma abhala. Kungaba kujabha, kujabula, kulila njalo njalo nje lokutsintsa imiva yemuntfu.

Ingcikitsi ngulesisusa lesifuca Sonkondlo kutsi abhale inkondlo yakhe. Uma uphindzaphindza ufundza inkondlo ucondzisa kusetjentiswa kwelulwimi. Kuphendvuleka lemibuto lelandzelako:

- Itsini?
- Ikhuluma ngani?
- Inamlayeto muni?

Uma ukhona kuphuma netimphendvulo talemibuto uba sesigabeni sekuphuma nengcikitsi yaleyo nkondlo. Ingcikitsi isuselwa etifundweni letitfolakala kulowo mbhalo.

## 7. KUHLATIYWA KWETINKONDLO

Singeniso salencwadzi sichaza kabanti ngebunkondlo lokufaka ekhatsi; tinhlobo tetinkondlo, kufundvwa kwetinkondlo eklasini kanye nemagama laphatselene nebunkondlo. Kulesigaba lesilandzelako sitawuhlatiya tinkondlo letimbalwa ngetindlela letehlukahlukene. Uyakhutsatwa-ke mfundzi kubuketa ngebuciko letibonelo kute ukhulise likhono lakho kanye nenkhabunkhabu yekufundza tinkondlo usahlonyiswa ngetikhali letinyenti tēkuhlatiya tinkondlo. Letinkondlo letihlatiyiwe tiphindze tivele kuloluhla lwetinkondlo letibutsisiwe. Loko kwentelwe kutsi uyitfole ihlobile inkondlo kute ukhone nawe kuyihlatiya ngendlela loyiva ngayo.

Kusahlatiywa inkondlo kumcoka kutsi unakisise naku lokulandzelako:

- Ayiyinye indlela lengasetjentiswa kuhlatiya tinkondlo.
- Kukhomba indzima ledlalwa buciko bebunkondlo kuveta inchazelo yenkondlo.
- Loyoyalo lofundze inkondlo angachamuka nenkondlo nenchazelo yakhe lehlukile kuphela uma ivumelana nemagama lasetjentiswe kuleyo naleyo ndzima.
- Kukhipha imivo lecondzene ngco ngalokushiwo yinkondlo ungathemelezi kepha usho intfo longayisekela ngalokusenkondlweni.
- Kwekugcina kuciniseka kutsi usafundza uhlatiya tinkondlo letehlukene likhono lakho liyakhula lilolongeke ebunkondlweni.

**KUYANGILANDZELA** ..... sihloko

..... imphindzalunga  
Ngashaya ngagadla ngaphumelela,

..... luchumanotjekile  
Ngaphumelēla ebubini ngisitwa ngulomubi.

imphindzalunga ..... imphindzalunga  
Kumnyama kuhlwile, kwenile kwesabeka,

Kubindzile kulukhuni kungenamasito,

Nembeza abalisa ngingwema,

imphindzankhamisa ..... ngci  
Inhlitiyo ivutsa igaya tiboti.....

luchumanosicalo .....  
Wakhala phansi kabuhlungu longenacala

..... khefana ..... seca nkhamisa  
Wakhala wayobayoba,

Abukene namehl'abovu akananhlitiyo uyatfunukala.

sifombemcondvo ..... saga, usheshe acansuke  
Yageleta ngentsamo ingati ngiyibukile,

Ngatatatela njengelichegu liganiwe.

..... sifananiso  
Impela imali yimphandze yesono.

Ngema ngaba sibholongo ngimelwe yingcondvo,

..... imphindza ngwaca  
Umshina lokhafula kufa ngiwubuka esandleni.

Ingcebo lengangifaneli ngayigwamandza,

Kwaba kanye ngatsi tinyawo ngetfwale.

luchumanosicalo ..... sisho, wabaleka  
Ngalibala kutsi liso laSimakadze libanti,  
Ngalibala kutsi sandla semtsetfo selulile.

*Thembinkosi Ryan Tsela*

### UMSEBENTI

1. Hlobo luni lwenkondlo lolu? Usho ngani?
2. Chaza sihloko senkondlo ukhombe kutsi siyahambelana yini nenkondlo.
3. Itsini ingcikitisi nemoya wenkondlo? Sekela imphendvulo yakho.
4. Chaza loku lokubhalwe kwacindzetelwa.



**LUDVONDVOLO**

sihloko, singasho:  
intsaba  
indvuku yekusima/sigaba  
sekukhula

**i-sizura** .....  
 khulumangco ..... Mntfwanami, buka nalundvondvolo,  
 Lubuke **ugubhe tindlebe ngikwetsele**,  
 Ngikwetsele **emakhatsato emvelo**,  
**intalelwano** ..... **Situkulu** sakhokho wakho **Mdvuba**.....

sisho, lalelisisa ngikutekele  
 imitsi yemvelo/yesintfu  
 yekwelapha  
 khokhomkhulu  
 webakaMagagula

Lendvuk'uyibona, **nganikwa ngubabe**,  
 intalelwano ..... Babe wami lokungumkhulu kuwe,  
 Naye wayinikwa nguyise waboyise,

akatitsatselanga wanikwa

Kangiyati-ke ndvodzana yagawulwa nini,  
 Kungatsi yad**zabuka** nakud**zabuk'**umd**zabu**.

imphindzagama  
 '-dzabuk-' /yindzala lendvuku  
 ikhona

**tehlakalo** ..... Tiga netigigaba tatiwa ngulo,

ludzala ludvondvolo

Lelakubon'akubhalwanga bhukwini,  
 Kubhalwe kuy'incwadzi lengenamaklasi,

umlandvo wendluliselwa  
 ngemlomo

Lubuke mntfwanami, kul'ufundz'**imilandvo**,

tenteko takadzeni

Lucondzile, lucatsa, luhle fana,  
 imphindzalunga ..... Kalucwayi muntfu, kukuye lolucwayako.

**kuteketisa** ..... Ludvondvolo lolu **fana**, ngiyadvondvolotela,

lunginika emandla  
 (lengetiwe) nenchubekela  
 embili (lunyawo lwesitsatfu)

imphindzangwaca ..... **Ngisima kulo laph'emalunga sadziniwe**;

**imisebenti** ..... Ngibhula ngal'ematolo nangihamba,

lungiko konkhe noma ngabe  
 sekwentekani / imphilo  
 isime kuloludvondvolo

**yeludvondvolo** ..... Ngiphindze **ngigiye** ngalo nangitsakasile,

Ngive ngalw'emanti nangewel'imifula,

luchumanokhatsi

Ngivisela ngalo kumnyama, ngitfol'indlela.

tinkinga

	Ndvodzana, ngicamela kulo noma ngilala,	lungihlanganisa nebakitsi lasebalala
injabulo	Ngitive sengigiya kulakaMdvuba boMgongoloti,	lutalelwano lwakaMagagula
	Kungasekho kudzinwa kwaleli lelinggilako.	
	Manje ndvodzana sengigileke kwekugcina,	emalanga asahambile/ sengigugile
	Ete ngisadvondvolotel'emalunga sayala.	angisakhoni kuluphatsa loludvondvolo
uyanikwa	Lutsatse fana, naw'udvondvolotele,	buka indzima yesibili- yesitsatfu, uyanikwa
	Hamba yakh'indlela, nami ngente njalo,	
	Nakuvela bulukhun'embikwakh'ugileka,	kugcizelela, lulusito
uyayala	Bambelel'uvinyelele kul'usime,	kakhulu
	Ungalwi ngalo, "Khutj'ugoduke,"	kubongwa bakaMagagula
	Lucondzile, lucatsa, kalucwayi ndvodzana.	
	Ngiyjabula ngilulondze wadzimate walukhandza,	ngilugcine kahle
	Sekungawe-ke ndvodzana kulusebentisa.	insayeya
	Musa kwenta luphunyuke kutakho tandla,	bunguwe/imvelaphi/ imihambo nemasiko
uyayala	Muhla luphunyuka nobe lulahleka,	sifananiso
	Uyob'ulahle bakaMdvuba, limuva lakho,	bakini labalele bakuhlanekele
	Uyophilisa kwenhlw'ifanelwe kugolwa,	luchumano
	Uf'ungasabi nandzawo kubakini labalele,	lolusekugcineni lucondzile
luchumano tjekile	Sala kahle fana, nalo ludvondvolo,	
	Dvondvolotela, ulushiye badvondvolotele.	situkulwane lesitako silukhandze lukulesimo, naso sichubeke nalo

### Salayedvwa Magagula

#### UMSEBENTI

1. Khipha sinanatelo sebakaMagagula lesivela kulenkondlo.
2. Chaza kutsi Sonkondlo ulisebentise kukhombani leligama lelitsi 'fana.'
3. Kumcoka ngani kunikwa intfo ngulabadzala ungatitsatseli.



Sekela ngalokutfolakala enkondlweni.

4. Khipha ukhombise bumcoka baloku lokulandzelako kulenkondlo:
  - i) Imphindza
  - ii) Luchumano
  - iii) Imvumelwano
5. Yini leyachuba Sonkondlo kutsi abhale lenkondlo? Ingabe bekasesimeni lesinjani?  
Sekela imphendvulo yakho ngalokusenkondlweni.
6. Ake ubhale sinanatelo sakini bese wenta loku lokulandzelako:
  - i) Khipha umlandvo waso.
  - ii) Khipha umhambo nemasiko.
  - iii) Khipha buciko bonkhe bebunkondlo.
7. **Inkhulumomphikiswano**  
'Imihambo nemasiko imcoka endalweni yemuntfu.' Vumela noma uphikise lombono.

**VUKA MFATI** ..... sihloko

luchumanosicalo { Vuka mfati kusile,  
 Vuka usebente ishayile,  
 Vuka lokubaselele,  
 Tivukele wena utilungiselele. }

imvumelwano sigcino

imvumelwano sigcino

imvumelwanosicalo { Timpfaka atibuyisane nawe,  
 Tinkhukhu tehlisane nawe,  
 Tingakushiyi titaze tikwengce,  
 Jokotela kanye nato,  
 Bufati kuvuka uvukele. }

luchumano sigcino

imvumelwano khatsi

imphindza lunga

imvumelwanosicalo { Balele labavunywa ngumhlaba,  
 Umhlaba lofana newabo,  
 Basabhudza, bayekele njalo,  
 Batawuze bakubambebele bayekele,  
 Bayanumuza phela labo. }

siso, tintfo tibahambela kahle

luchumanotjekile

luchumanosicalo { Batawuvuka babute lokunyenti,  
 Babute siSwati labangasati,  
 Babute kuwe bona babanikati,  
 Bebuve kepha bangabati,  
 Mfati, vuka uphangise. }

imvumelwano sigcino

lonchubeko

i-sizura

luchumanosicalo { Batakubuta sicholo lesingekho,  
 Bakubute bona bamanyatela,  
 Bakubute bona bangenatihlutfu,  
 Bakubute sidvwaba usangane,  
 Bakubute ngobe kutishayamtsetfo. }

imvumelwano khatsi

Sebakhala ngetimvu **ebaleni**, ..... **luchumano sigcino**  
 Bangati tabogogo tatiba **sebaleni**, .....  
 imvumelwanosicalo ..... Bakhahle ngesidwaba babhulukele,  
 Bakhohlwe live le**litfutukako**, ..... **luchumanotjekile**  
**Litfutukē** ngakubo kuphela.

**imphindzangwaca** ..... Liduku lemlungu labasita,  
 BuSwati banamatsela **kulo**, ..... **imphindzalunga**  
 imvumelwanosicalo ..... Bayekela **kuhlala kubo**,  
 Umvunulo lesebangawati kwabona,  
 Liduku kepha balatisisa.

Utsini? Angikuva kahle? ..... **khulumangco**  
 Buhle bemfati bufihlwe? .....  
 Angani bagogo busebaleni,  
 Utsi sicholo asibotfotwe?  
 Ngumkosongo ngobe akanasicamelo.  
 Sicamelo lesakhiwa yindvodza.

Cha wena weKunen**e**, ..... **imvumelwano sigcino**  
 Ayibe yincane iphele, .....  
**luchumano khatsi** ..... Ticholo atibuyise tihlutfu,  
 Liduku libuyise umvunulo,  
 Ticamelo tibuyise emacansi,  
**luchumano sicalo** ..... Bufati bubuyise budvodza,  
 Budvodza lobutawuta nebuSwati.

Vuka mfati ungalali,  
Somadili Yena uyabukela,  
Inhlitiyo iyafana kuye,  
Ayidvodzi ayifati iyafana,  
Lemhlaba alikho liphakadze,  
Vuka mfati uphangise, ..... imvumelwano sigcino  
Somadili Yena ukulindzela.

*Sisana R. Dlamini*

#### **UMSEBENTI**

1. Chaza sihloko salenkondlo ukhombisa kutsi ngabe siyahambelana yini nalenkondlo.
2. Niketa ingcikitsi yenkondlo. Sekela.
3. Khipha konkhe lokuphatselene nesakhiwo sangephandle kulenkondlo usho kutsi kuhlobo luni futsi kudlala ndzima yini.
4. Bafati kulenkondlo bavetwa bangulabagcilatekile kunemadvodza emmangweni. Sekela lombono ngalokusenkondlweni ukhombise kutsi bagcilateka njani futsi bagcilatwa bobani.



**TIBONGO TEMNUMZANE** ..... sihloko  
siphukuto  
sihhalatiso

sifananisongco ..... Indlovu leyesabeka inyatsela, ..... luchumanokhatsi  
luchumano sicalo ..... Indlovu leyesabeka ngesitfunti,  
Indlovu letanasa kumatsafa ngesibindzi,  
Uyabusa uyatanasa uyindlovu: ..... sifananisongco

luchumano sicalo ..... Insika yelikhaya lilonkhe,  
Insika yelikhaya nome iyendzetela, ..... siphukuto  
Insika yelikhaya nome seyisekelwa,  
Isimise likhaya lonkhe.

mphindzangwaca ..... Mabusa emhlabeni kuphela,  
Ezulwini ulingane nalabangasilutfo,  
Tento takho takubeka,  
NeliBhayibheli lakubeka inkhosi. .... sokhundla

sifananisongco ..... Manumuza kukhanya kumnyama,  
Kuvela kudla ngisho ibhokile,  
Lokumnandzi kungene kuwakho,  
Bantfwana bamunye titfupha.

sifananisongco ..... Bhubezi lelibhodla kuvakala, ..... kulwanatisa  
luchumano sicalo ..... Ubhodle kwakhala umfati,  
Wabhodla kwakhala bantfwana,  
Bakuva ubhavumula Bhubezi. .... sifananisongco

sifananisongco

sifananiso

Matfumbetfumbe kwenyalitsi yekutfunga,

invumelwano sicalo

Longamtsandzi akagcoki siketi,

Longati acabange ucinisile,

Lowatiko asho ulicili.

sifananisongco

Inshubaba leyengca letinye,

Batsi "Babe" ivele ibabe.

Ngetento kanye nangenhlitiyo,

Utfumbelete silwane selive.

luchumanosicalo

Ungehlule sekufe umfati,

Wangehlula washiya tinhlakane.

Watfumbeleta silwane kukubi,

Hha! Kawucedywa Babe.

Sisana R. Dlamini

### UMSEBENTI

1. Hlobo luni lwenkondlo lolu?
2. Yini tinhlakane? (Indzima 7, umugca 2)
3. Khipha imigca lekhomba kusebentisa sinongo sekulwanatisa.
4. Chaza kutsi kuya ngani indvodza ifananiswe ngco nalamagama lekucaliswe ngawo emgceni wekucala etindzimeni 1 kuya ku 6.
5. Kulenkondlo indvodza yentiwe yaba yimbi ngalokwecile. Sekela lombono usebentise emaphuzu laphuma enkondlweni.



sifananiso

**INGUNGU**.....sihloko  
ngumgodzi logcina ummbila

Ngesikhatsi sendlala ngiphephela **engungwini**,  
**Engungwini** phela ngitfola loneliphunga  
Hhayi lelibi, kepha lelimnandzi  
Kitsi tsine bengungu.

i-sizura

Ayikho esibayeni setingulube, kulolo ludzaka,  
Loluneliphunga lelicheketa inhloko ekhatsi.  
Kepha isesibayeni setinkhomo **talakhaya**,  
Tona tingumnotfo lophelele **walakhaya**.

fananisongco

Ingaphansi kwebulongo betinkhomo.  
Lobu bulongo lesisindza ngabo  
Emagama netibuya netindlu talakhaya.  
Noma uphetfwe sisu uyabunatsa bulongo.

nd R. Dlamini

Ingungu lena isiphephelo **setfu**,  
Ingungu lena ingumnotfo wekuphila **kwetfu**,  
Isisekelo selikhaya liphelele.  
Iyinhlitiyo yelikhaya lelifanele.

anatisa.  
amagama  
uya ku 6.  
le. Sekela

**Yingungu** yaboMose **bandvulo**,  
YaboJohane benhlakanipho **yandvulo**,  
YaboEsta bafati belwati lolujulile.  
**Balingise** nawe utikhwankhwase engungwini.  
Tindlela tabo tekudla kwabo **titekulingiswa**.

luchumano sicalo ..... Iphetse indlela yekuphila lengungu,  
 Iphetse tibonakaliso letingakusita  
 Kutsi uhambe endleleni **lecentisiwe**,  
 luchumanotjekile ..... **lcentsewē** wena yilandzele njalo,  
 Uyawuphepha emlilweni waphakadze.

Sengcabaphi Dlamini

### UMSEBENTI

1. Luhlobo luni lwenkondlo lolu? Usho ngani?
2. Yini umehluko emkhatsini weliguma nesibuya?
3. Kutsiwa yini ummbila lokhuntsile lophuma engungwini?
4. Yini ingungu? Ikuphi ekhaya?
5. 'Noma uphetfwe sisu uyabunatsa bulongo.' Uyabunatsa futsi bulongo uma kwente njani?
6. 'Ingungu lena ingumtfombo wekuphila kwetfu.' Chaza.
7. Umcoka ngani Esta eBhayibhelini? Bumcoka bakhe busetjentiswe kukhombani enkondlweni?
8. Umlilo umeleni kulenkondlo? Usho ngani?
9. Chaza ngalokuphelele ingcikitsi yalenkondlo.
10. **Luphenyo**  
 Yenta luphenyo ngekumbiwa kwengungu ite ifike esigabeni sekutselwa kwemmbila.



## 8. EMAVI EKUBONGA

Inkampane yakaMacmillan yenta umncintiswano wetinkondlo, kuwo kwabutfwa tinkondlo letinyenti. Yaphindza futsi inkampane yenta umfundzasikolo wetinkondlo, nakuwo kwaphindze kwabutfwa letinyenti tinkondlo. **Umvemve** yincwadzi yetinkondlo lengumphumela walomncintiswano nemfundzasikolo kanye naletinye. Bahleli-ke batsandza kubonga bonkhe boSonkondlo labafake sandla kulomsebenti.

Bahleli futsi babulalela emabhodlela kubashicileli benkampane yakaMacmillan ngekubavumela kutsi basebentise letinye tinkondlo letisetjentiswe kulencwadzi tiphuma kuletinye tetincwadzi letashicilelwa kaMacmillan. Letincwadzi ngunati letilandzelako:

Barnsley, T. and Hosking, L. (2008). *Poetry For All Volume II*. Johannesburg: Macmillan South Africa.

Mbhele, N.F., Mthembu, E.T. and Zulu, E.S.Q. (1990). *Inhlava*. Matsapha: Macmillan Boleswa Publishers.

Msibi, T. and Vilakati, T. (2006). *Giya Sigiye*. Matsapha: Macmillan Boleswa Publishers.

Nkambule, L.X. and Tfwala, J.J., et al. (1996). *Emakhangala (Naletinye Tinkondlo)*. Matsapha: Macmillan Boleswa Publishers.

Nkambule, L.X. and Magagula, S.M. (1998). *Liphimbo Lembongi*. Matsapha: Macmillan Boleswa Publishers.

Sibanda, E.S. and Vilakati, T. (1997). *Chaza Ngive*. Matsapha: Macmillan Boleswa Publishers.

Varga, E. (2008). *Unbroken Chains*. Matsapha: Macmillan Boleswa Publishers.

Walter, B and Wood, F. (1997). *Groundwork: An Introduction to Reading and Writing about Poetry*. Matsapha: Macmillan Boleswa Publishers.



*Umvemve* lujw lwenwadzi lolucuketse tinkondlo letimnandzi letinetingikitsi/letiphatselene netintfo letenteka esikhatsini salamuhla. Ngetulu kwalolo inanati timphawu letilandzelako:

- Ikhanyisa kutsi loluhlobo lwalombhalo (Tinkondlo) lwehluke njani kuleminyane imibhalo.
- Ikhanyisa letinye tetinkondlo ngenhloso yekukhanyisa indlela letilandzelako uma kuhlatiwa tinkondlo.
- Ichaza lamanye emagama laphatselene nebunkondlo, iphindze ikhombise indlela lasetjentiswa ngayo enkondlweni.

Siyetsemba kutsi loyo lotawuyisebentisa utawuyitfokotela ngoba tinkondlo letikulencwadzi tifundzisa ngetintfo letilusito emphilweni, ibuye ikhombene indlela yekuhlatiwa tinkondlo lokuyinsayeya lenkhulu uma ubhekene naloluhlobo lwembhalo.

Nango-ke *Umvemve* unqilota wulalele!



[www.macmillan.co.sz](http://www.macmillan.co.sz)

ISBN 978 090036 464 8



9 780900 364648